



<County: Cheshire>

<Code: L0448>

<MS reference: London, Public Record Office E 40/5950>

<Text: Gift>

known be hit to halle men þ^t J Thmas of Bold esquier haue gyfu@ & *grauntut* to Willam Danyel of
Dersbury þ^e warde of halle þe lon<ill><rest of word></ill>
& renntes þe quyche wern@ Johns of þe Meles þ^t dede is with-in þe Citee of Chestre & þe toune of
Tramull in Wyrall in þe <ill><1 word></ill>
of Chestr~ To haue & hold to þe said Willam þe Warde byforesaid vnto þe fulle age of henre þe
son@ & heir of þe said John@ W<ill><1 word></ill>
þe mariage of þe same henre þe quyche londes & tenntes with þe mariage beforesaide .^[J] þe saide
Thmas hade of þe gyft & <ill><1 word></ill>
of þe kynge henr~ þe fyft as by a *letre* pattent þe quyche J haue delyuert to þe saide Willam more
pleynle hit is declaret And yf hit
so befall þe^t þe foresaide heir dee byfore þ^t he come to is fulle age vn-mariet & is heir þen behyng
with-in age þen J wol þ^t
þe saide Willam haue þe warde of halle þe londes & tennt³ byforesaid vnto þe Age of þe heir so
behyng with-in age with þe
mariage of þe same heir & so fro heir vnto heir vnto any of þe heirs byforesaid come to þaire fulle
age so þ^t þe said Will<ill><am?></ill>
marye þe foresaid henre or is heirs to is Chyldur Jn wyttens of wyche thyng to þis *letre* J haue sette
my seal Gyfvn at
Dersbury in þe fest of mare Magdelen@ ye 3ere of þe kynge henr~ ye syxte aftur ye conquest þe
first
And ye foresaide Willam ^[to] þe foresaid henre or to is heir schall fynde resonabull sustinance en
descharge of þe said Willam<?>